

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

*manè discutienda in Scholis Medicorum, die Jovis vigesimo-nono
mensis Maii, anno M. DCC. XLIX.*M. FRANCISCO-DAVID HERISSANT, è Regiâ
Scientiarum Academiâ, Doctore Medico, Præfide.*An Acetum ciborum condimentum salubre?*

I.



IRUM sanè ex eodem succo vegetabili, tam diversos, tamque à se invicem sapore & odore discrepantes, nobis ob oculos subijci liquores. Uni fermentationi, tanta debetur effectuum diversitas. & vitrum fructu expressus succus, materiam nobis suppeditat. Is quem mustum vocari placuit, activo fœniente sole satis maturus, dolio includitur; nec ibi asservatur iners. Intestino calore per maturitatem acquisito, quaquaversum ibrevi agitantur intus, moventurque, quotquot sunt omnes ex quibus hic confatur succus, si ve sulphureæ sint, si ve salinæ, si ve terrea, si ve aquæ; si ve etiam maximâ copîa aeræ extiterint. Hæ urgente motu, necnon spiritu igneo, undique circumacta, expansa, dilatata, suos distumpunt carceres, dissiliunt, dissiliendo, vicinas disjiciunt partes, separant, dividunt, attenuant, sulphureas modo, modo salinas terrea sive copioso dilutas latice aqueo. Jugi hoc partium conflictu, attritu, sensim ima petunt crassiora, crudioraque, & minus digesta, dum aliundè turmatim avolar spirituum plurima copia, cæteris sociari partibus, & arte quidem ullis coerceri vasis nescia; *gas* dixere vini post Helmontium nonnulli. Nec satis est, haud sinit gradum fermentationis motus, cœscit in dies, attenuatio rarefactio salis essentialis vini, partiumque sulphurearum volatilisatio; quæ eò tandem devenit, ut salinas quasi involvant partes, eaque amicè vinciant, & superent, unde sapor dulcis odorque vini. En ubi suam quasi absolvit periodum primaria fermentationis operatio, quam vinum vocamus, idque eò generosius censendum, quo utrâque magis dives parte extiterit, sulphureâ nempe & salinâ, apprimè inter se, tùm justâ proportionè, tùm longâ digestionè unitis. At alteram immediatè subire vicissitudinem aptum natum est vinum, alterum nempe fermentationis genus, proximè ferte faciliè potest, fermentationem intellige acetosam. Hanc esse corruptionis sortum, absit credideris. Secundaria est vini fermentatio, sed genuina non portentosa, nec hominum vitæ, aut salutis per se infensa: imò magnarum est potius virium, tam internè quam externè, ait *Becherus*; magnum enim est arcanum, inquit, habere aciditatem vini meram, nativæ fermentationis lege comparatam, aut levi & innocuâ adjutam arte. In morbis quam plurimis, magno fuit levamini, testante veterum praxi. Pluribus in cibis quotidiano est in usu, instar condimenti, nec cum leviori fructu. Plurima tùm ex vegetabilibus, tùm ex animalibus, penetrando præparat alimenta, dividit, attenuat, redditque laudabili aptiora digestionì & ventriculi viribus magis accommoda, Has sanè edoctus doctores potiora, paucis sic de aceto cecinit plurima.

A

X Mart. lib.
III. epig.

* *Amphora Niliaci non fit tibi vilis aceti:*
Effet cum vinum, vilior illa fuit.

I. I.

PROXIMA ergo materia aceto parando idonea, omne vinum est, quaecumque fuerit; ita ut meracissima vina, acerrima soleant aceta progenerare; debilia autem, in acutum quidem verti queant, sed debile & brevi futurum iners. Itaque vini fermentatione semel peracta & perfecta, statim ut potulentus liquor, non ingratus palato, nec insuavem offert saporem, (qualem præbere solet septem aut octo mensibus à primâ sui ebullitione) si diu longumque æstivo exponatur calori, Soli præcipue meridiano, nec tamen subdior, sed in cellâ negligentèr clausâ, dolio licet ritè obturato, tunc per se solum, non infrequentèr accessit; ardente etsi abundat spiritu, dummodò & suo essentiali sale seu tartaro turgeat adhuc magis, non minimâ sui parte rarefacto, exaltato, unâ cum spiritu sulphureo, suo tanquam individuo comite; vinum sic in acidum solet transmutari acerrimum, absque ullo artis auxilio; idque acetum, per se factum dixere chinici, quod multis extollunt laudibus. Et verò, ea tùm chimici, tùm Medicis veteribus, semper fuit sinceri, acerrimi & constantis aceti conficiendî genuina, turissimæque norma: Eo semel naturâ sic monstrante) acquisito, si copiar majoris urgeat necessitas, aut exposulet, habet ars & industria undè citius & largiori copiâ ex voto conficias; vino quam generosissimo, hujusce aceti quantitatem vigesimâ, plus minuse addas instar fermenti; longiori, continuo & æquali haud neglecto calore nec languidiori, acetum obtinebis, omnibus numeris absolutum & genuinum. Talis energię tibi si defecerit acetum, & forte fortunâ fors tibi objiciat dolium, in quo, natura sic suum (per se solum) peregerit opus, illicò affunde vinum, nec successum metueris, brevite manet liquor acidissimus, si in calido diu persistit loco. Hâc fermentatione, vinofici liquoris unitæ antea partes de novo atteruntur. (a) Per fermentationem vinosam partes sulphureæ potius eleuantur ac rarefunt, quod magis rarefciibiles sint salinis, unde etiam fermentum lento calore persolvitur. Ad elevandas verò & rarefaciendas partes salinas, paulo major & longior requiritur calor, cui si potius fermentatus committatur, accessit, & hoc est quod acetificare diximus. Quo plures autem sunt salina partes in potu fermentato, hoc citius etiam accessit ut in cerevisiâ, aliisque dulcibus videmus. (b) Ad acetum ergo generosum conficiendum, requiritur ut reliquæ partes salinae quæ non sunt tam subtiles & leves, ac illa quæ in primâ rarefactione prodierunt, de novo attenuentur ac rarefiant, & tunc non modo æquant, sed & superant partes sulphureas, ita ut partes sulphureæ prorsus sepe liantur ac lateant; hinc acetum nominatur. Tunc cum principium illud sit in minor quantitate, salibus valde mediocre præbet involucrem, illorumque nimiam vim sistere non potest, dum contrarium eveniebat in vino. In hoc phlogisticum cum victor sit acidus, vincitur ab acido in aceto. Nec arguas perire illud in integrum longiori fermentatione & calore, & evaporatione destrui funditis. Deperditur quidem quantitas nonnulla, simul cum salinis partibus quibusdam volatilibus, at non perit integra. Testem habes Becherum (c). Remanet tamen, inquit, in aceto magna hujusce phlogistici quantitas, quod demonstrat saccharum saturni. Nam tunc latitantes partes sulphureæ, rursus liberantur, undè contingit quod si spiritus aceti, cum plumbo in concluso vase, per aliquod tempus digestus & dulcificatus destilletur, non amplius spiritus aceti, sed rursus spiritus vini ardens in lucem prodeat, depositâ in plumbo, priori larvâ salinâ, mediante quâ aceti spiritus vocabatur. Quâ de causâ illud habuere veteres tanquam, (d) saponis cussidam aut abhæssivi genus, quod extenuat simul & medicè calefacit, ut propriis eorum verbis utar. Quamquam & ipse etiam metus aceti spiritus seu salis tartari, eadem extrahi atque potest (e) si idem saturni saccharum cum arenâ vel terrâ fluxum prohibente, destilletur, urgeaturque fortiori igne; oleum prodibit, ait Becherus: quod partes quasdam plumbi secum avexit, quibus separatis, subtilis spiritus oritur, qui verus spiritus salis vini, seu salis tartari vocari poterit, magnarum virum tam internè quam externè. Dux ergo in aceto demonstrantur substantiæ, una sulphurea per fermentationem vinofici jam elevata & volatilissima; altera salina per acetificationem seu fermentationem ulteriorem rarefacta, subtilissima ope natura, quæ separata tandem artis ope à partibus sulphureis, sal tartari

(a) Becher.
Phyf. Subter.
lib. 1. sect. V.
p. 28. & 408.

(b) Becher.
p. 28. & 410.

(c) Becher.
Phyf. Subter.
lib. 1. sect. V.
p. 28. & 411.

(d) Vide Becher.
p. 414.

(e) L'emp.
411. & 412.

volatile, tantoperè à Medicis desideratum, non ineptè dicendum erit. En antiquiorum Medicorum sapo vegetabilis. En illud abstersivi genus singulare, in veterum libris adeò decantatum, in peste tam specificum, in sanorum cibis tam salubre.

I I I.

ACETUM ἄκτις græcis dictum, tam tenuibus, subtilibusque pollens partibus, adeò penetrabile est ut sine partium secessu per densissima transeat, quam expeditissimè. *Saxa rumpit quæ non ruperit ignis antecedens*, ait Plin. De Hannibale loquens, quem constat aceti beneficio alpes transisse.

* *Didaxit scopulos, & montem rupit aceto.*

*Joven. Sat. X.

Sed cum totum (a) corpus humanum liberè meabile sit, inde in omnia vasa poterit distribui, ibidemque exercere vires quas possidet proprias, imprimis excitatas vitali motu & calore naturali. Quin & permisceri se patitur facile cum omni genere humorum nostri corporis nò, ne olea quidem exceperis; hæc igitur tenuitate in corpore nostro plurima perficit. Intrus enim assumptum, majorem provocat salivæ quantitatem, unde magis imbuantur alimenta, majori aeris quantitate impregnata; jamjam quasi semi-cocta deglutiantur. Oesophagi & ventriculi fibras blandè vellicando, succum oesophageum & liquorem gastricum elicit. Robur addit ventriculo, quo vegetius oscillent fibræ, ingestaque terant impensius. Hinc lacteus emergit cremor, lactea faciliè subiturus vasa. Nec minùs universis consulit functionibus. Quo magis enim alimentorum partes, digestionem dissociat, tenuare & evoluta fuerint, eo facilius articularum repercussionibus, millicies repetitis cedent. Ex his jam intellige succos ubique secerni habiles, in hepate, in renibus, aliisque incerniculis, vel in spiritus nervorum promptè abire faciles, aut tenues in auras vanescere, per incohspectiva cutis spiracula. Non igitur autumes aceti virtutem in stomacho sepultam & exstinctam. *Acetum omne vim habet attenuandi, incidendi, discutiendi, simul & refrigerandi*, ait Galen. actuosè nimirum & summæ mobiles ipsius moleculæ, salino-sulphureæ, sanguineam molem cui admiscuntur, diverberant, incidunt, dividunt, eliquant. Vastorum interea parietes punguntur acaciùs, & ad crebriores, vegetioresque oscillationes extimulantur. Hujusmodi auxiliis & incitamentis, fit liquorum circuitus celerior; ad incerniculum quodcumque, excretorium-ve vas quodlibet, frequentior fit sanguinis appulsus, proindeque secretiones & excretiones cujuslibet generis, liberiores abundantiores & promptiores evadunt.

I V.

QUÆCUMQUE ingeruntur ventriculo, vel ab eo plurimùm succi expetuntur et coquantur, vel partim secum ferunt quæ ad digestionem sunt necessaria, vel tandem aliquo egent intermedio, quo juvante perficiatur opus. Porro quid potentius aceto? Vino proprias omnes possidet partes acetum, sed mutatis, & tunc efficaciores. Omnes animantium partes à putrefactione avertit; incipientem cohibet. Pleraque pariter vegetabilia eo mediante per longum servantur tempus; succulentiora sunt. Aceto conditaminiùs gravant ventriculum, faciliùs in chylum mutantur, chylumque laudabiliorem suppeditant. Carnes adhuc teneriores, & ut ita dicam adhuc mèrè gelatinosæ, ut pulli gallinacii, vitulina caro &c. Testante quotidianà experientià, ipsi aceti salibus tam penetrantibus, ita carpuntur, dividuntur, attenuantur, ut delicatiores factæ, citius perfectiusque digerantur. Olim populus, pauperes, (a) ruris incolæ (b), eo utebantur tanquam condimento. Putabant, illud corrigere vitia alimentorum duræ digestionis, quibus vescabantur. Sic de aceto cogitabat antiquitas. *Aceti vis, domitrix est ciborum. Aut in usum adhibebant ad appetitum movendum. Cibus & saporis non alius succus, magis commendat aut excitat* ait (c) Plinius. Quod nec Martialis ignotum.

* *Nec cibus ipse placet morsu fraudatus aceti.*

Ruris incolæ aceto sitim sedabant. Eà de causà olim Booz permisit Ruth suum panem in aceto suorum messorum intingere. Ergò non pro nocivo habebatur. Medici ipsi illud commendabant. Sic Hip. (d) Biliosus. Qui verò hominibus, minùs nociva indicantur condimenta, quarumdam preparationum aceti usum, permittebant (e) ad sanandum stomachum, sive externè, sive internè.

(a) Borth. elem. Chem. p. 132. T. 2.

(a) Stuevilius de conviv. lib. 1. cap. 21.

(b) Nonn. p. 479. de re cib. ba.

(c) Plin. lib. 23. cap. 1.

* Mart. lib. VII. epig.

(d) Hipp. de vichu acut. pag. 179.

(e) Apic. de Opson.

(f) Nonn. *Militibus* (f) etiam familiarem potum fuisse, scriptores historia Augusta docent. Iustit enim vinum in expeditione neminem bibere, sed aceto universos contentos esse. Non quod acetum biberent purum, sed quod illud secum portarent, ut aqua miscerent, ubi usus posceret, ac potum semper paratum haberent. Sed hæc omnia parvi adhuc sunt momenti, si post Hippo. Galen. Dioscor. (g) Fernelium audiamus. Liqueor ille vegetabilis, acerosus, licet tenuis sit & altè penetret, crassosque humores extenuet, credaturque obstructiones expedire, pariter tamen non mediocriter humores cohibet. Hinc alvi profluvia, & sanguinem undecunque manantem, incipientesque inflammationes & sumptum, & adnotum arceat; bilis quoque impetum sedat, temperatque febrium aestus, sitim extinguit: appetentiam movet, nauseam tollit. . . morborum non putredinem modo, sed & malignitatem coercet, hinc in peste remedium efficacissimum. Synopas, stomachicalque defeciones arceat, viscerum substantiam roburque tuetur.

V.

NEC te moveant adversariorum tela. Semper aderunt qui nostram de aceto, sententiam procaci dente infectentur. Productum est putrefactionis, sordes omnis generis illius ingrediuntur compositionem, inquit plurimi. Sed quantum muliercularum insana vos scellit opinio! Non magis factus est corruptionis quam vinum; nobis paravit natura, ut demonstravimus in 1. Cor. At instas, macilentiora sunt corpora ex illius usu. Nipium omne, natura inimicum. Verissima sanè, nulloque argumento infirmamanda hygieines regula. Infelicem hanc morborum, quibus quotidie affligimur catervam, à solo rerum non-naturalium abusu scaturire, merito pronuntiare aſum. Et certè morbi cujſſilibet causam altius scrutare, aliquam semper tibi cibi tum potus, aut aliorum id genus intemperantiam arguendam esse reperies. Sed si moderatè utamur viscosos tantum incidit humores, ait Galenus, & sic corpora pingua à morbis servat. Plurimi verò falsà hâc opinione imbuti, illius sibi denegant usum (a). *Malunt esse pingues cum incertâ valetudine, quam macilentos, cum certâ & stabili.* Nam ut ait Hipp. corpora pinguis citius macilentioribus moriuntur. At saltem urgebis, nervis infernum est. Non idem judicandum est de aceto ac de acidis mineralibus. Acidum aceti nihil aliud est quam sal essentialiale vini magis subtilisatum ac volatilisatum; dum acida mineralia ignis torituræ debentur, hinc caustica & corrosiva evadunt; dum è contrâ partes aceti temperantur adhuc plurimis quibus pollet partibus sulphureis. Aliundè acetum sanguini mixtum, innumeris permiscetur humoribus, aqueis modò, modò oleaginosi; remanet tantum spiculerum quantitas, necessaria, si cætera sint paria, ad sollicitandas partes ad contractionem, circulationem juvandam, & nimiam sanguinis spissitudinem averteſſendam. Non omnibus verò temperamentis, ætatibus, convenit. Esto. Quid ad nos? Modò majori partì conveniat, inconcussa semper remanebit nostra sententia. Tandem mulieribus nocivum est. Non magis mulieribus quam viris, modò in debitâ quantitate assumatur, nocivum est. Enimverò si illis esset nocivum, quot & quam multa multo magis nociva illis essent interdicienda. Quotidie illud assumunt infestæ. Nam quot modis variantur fercula? Magna pars spauxillâ aceti quantitate conditur. Assumitur tamen absque noxâ. Quid impedit ergo quominus concludamus?

(a) Eucharis
Rhod. de
Aceto.

Ergo Acetum ciborum sordimentum salubre.

Proponebat Parisiis LUDOVICUS - JOANNES - BAPTISTA COSNIER, Parisinus,
Saluberrimæ Facultatis Medicinæ Parisiensis Baccalaureus, A. R. S. H.
1749, à sextâ ad meridiem.

Typis QUILLAU, Universitatis & Facultatis Medicinæ Typographi, 1749.